

SKOHE E DIA AKI!



Lès 13 pa Dezèmber 27, 2025



“ Si ta parse malu den boso
bista pa sirbi Señor, skohe
pa boso mes awe kende boso
lo sirbi. . . . Pero pa ami i
kas, nos lo sirbi Señor ”

(Josue 24:15, NKJV)

**Josué a sinti ku su fin ta serka. El a lucha e bon lucha.
El a tèminá e kareda. El a warda e fe.
E lo por konfidentemente warda, manera Pablo, su korona
di hustisia (2 Tim. 4:7-8).**

**Pero, manera Kaleb, ainda é mester tabata sigur ku otronan lo
tuma e torcha i guia Dios Su pueblo riba e kaminda korekto.**

**Pa e motibu ei, el a reuní e pueblo na Sikem pa renobá e
pakto(akuerdo) di fieldat, i pa eksòrtá(roga) nan pa skohe
un bida di servisio na Dios.**



E historia ku Dios a skirbi (Josue 24:1-13)

E yamada na integridat (Josue 24:14-15)

E elekshon di e pueblo (Josue 24:16-21)

E renobashon di un pakto (Josue 24:22-28)

E kontinuashon di e historia (Josue 24:29-33)



E HISTORIA KU DIOS A SKIRBI

“ Y Mi a duna boso un tera pa kual boso no a traha, i statnan ku boso no a traha, i boso a biba den nan; di e kunukunan di wendrùif i hòfinan di oleifi ku boso no a planta boso ta kome.” (Josue 24:13)



E lugá skohí dor di Josué pa su spich final tabata un lugá históriko: Sikem (Josue 24:1).



1. Esaki tabata e promé lugá na Kanaan kaminda Abraham a kampa (Gen. 12:6)

2. Esaki tabata e promé lugá na Kanaan kaminda Jakòb a kampa (Gen. 33:18)

3. Esaki tabata e úniko poseshon atkerí dor di Jakòb (Gen. 33:19)

4. Einan Jakòb a dera e diosnan stranhero ku su famia ainda a poseé (Gen. 35:4)



Josué a kuminsá dor di bisa nan tokante di e “diosnan stranhero” ku Taré, nan antepasado, a adorá (Josue 24:2). For di einan, el a kòrda nan den e promé persona di tur kos ku Dios a hasi: Mi a tuma; Mi a trese; Mi a oumentá; Mi a manda; Mi a dal; Mi a trese afó; Mi a tresébo paden; Mi a libra nan; Mi a destruí nan; Mi no a skucha na Balaam; Mi a libra boso; Mi a entregá nan; Mi a manda muskitanan; Mi a duna boso e tera (Josue 24:3-13).



Den e narashon aki, generashonnan un tras di otro ta pasa sin distinshon. Tur a wòrdu inkluí. Esnan kende a skucha na Josué a bini “ for di mas aya di e riu ”; nan a bai abou na Egipto; nan a sali ku gran poder; nan a krusa e laman; nan a tuma e otro banda di Jordan; nan a poseé Kanaan. Loke Dios a hasi ku nan antepasadonan, E ta hasiendo ku nan, i E lo hasi ku nos awe.



E YAMADA NA INTEGRIDAT

“ Y si ta parse malu na boso pa sirbi Señor, skohe boso e dia aki kende boso lo sirbi; sea e diosnan ku boso tatanan a sirbi kualnan tabata na e otro banda di e deluvio, òf e diosnan di e Amoreonan, den kende nan tera boso ta biba: pero pa loke ta ami i mi kas, nos lo sirbi Señor.” (Josue 24:15)



Meskos ku Jakòb a invitá su famia pa dera nan diosnan promé di a renobá nan pakto ku Dios na Bètèl, Josué ta invitá e pueblo pa bandona nan diosnan promé di a renobá nan pakto ku Dios (Josue 24:14b).

Nan mester a teme Dios i sirbiE “ den sinseridat i den bèrdat ” (Josue 24:14a). Kiko esaki ta impliká?

Pa teme Dios


- ❖ Pa musta profundo rèspèt p’E Kende ta infinitamente mas grandi ku ami, i pa asept’E komo mi Rei i Señor

Pa sirbi Dios den sinseridat [integridat]

- ❖ Un servisio sin defektonan (esaki ta kon e animal tabata wòrdu definí ku solamente tabata adekua pa matansa si esaki tabata “ sin defekto ” [henté])

Pa sirbi Dios den bèrdat

- ❖ Pa ta fiel, konfiabel, leal, no dividí, i konsistente. Pa reflehá dor di mi bida mi gratitut na Dios pa loke El a hasi den mi.



E ELEKSHON DI E PUEBLO



“ Y e pueblo a kontestá i a bisa, Dios prohibí ku nos lo bandoná Señor, pa sirbi otro diosnan!” (Josue 24:16)

Kiko tabata e respuesta na Josué su yamada (Josue 24:16)? E pueblo kompleto a bisa no na nan diosnan, i a aseptá ku nan tabatin solamente un Dios: “ nos Dios,” e Mesun Kende a guia nan — tantu nan antepasadonan i nan mes — te na e momentu ei (Josue 24:17-18).

Enbes di felisitá e pueblo riba nan desishon, Josué a duna un respuesta no sperá: “ Boso no ta pas(inapto) pa sirbi Señor ” (Josue 24:19 NIV). Ki un desapuntashon!

Josué a tende su mayornan hasi e mesun promesa (Eks. 19:8), i a mira kon rititiblemente nan kibra esaki pa 40 año.

E kontesta severo(skerpi) aki a logra su propósito. E generashon nobo tabata determiná pa no ritití e mesun erornan (Josue 24:21).




E RENOBASHON DI E PAKTO

" Asina Josué a sera un aliansa ku e pueblo e dia ei, i a traha pa nan un statuto i un ordenansa na Sikem " (Josue 24:25)


Pa konkluí su spich, Josué a pida nan pa kita e diosnan ku ta " meimei di boso," i bira nan kurason bèk na Dios (Josue 24:23).

Pa di tres bia, e pueblo a primintí pa sirbi Dios (Josue 24:24). E aliansa a wòrdu ratifiká, i, meskos ku Moisés, Josué " a duna nan statutan i leinan " (Josue 24:25).



Ounke ku e aliansa ku Dios ta basá riba un relashon bibu kunE i no por wòrdu ekspresá kompletamente dor di solamente regulashonnan, Josué a komprendé ku tabata nesesario pa laga rekòrdatorionan kla ku lo yuda nan keda den e aliansa.



El a pone e aliansa por eskrito, i a lanta un monumentu konmemorativo: un piedra pa sirbi komo un testigu na e kompromiso ku nan a hasi (Josue 24:26-27).



E KONTINUASHON DI E HISTORIA

“ Y Israel a sirbi Señor tur e dianan di Josué, i tur e dianan di e ansianonan kendenan a biba mas ku Josué, i kendenan tabata konosé tur e echonan di Señor, ku El a hasi pa Israel” (Josue 24:31)

E buki di Josue ta kaba ku tres entiero. Un di nan, profetisá sientos di añanan mas trempan, tabata e entiero di Jose den Jakòb su herensia (Gen. 50:24-26; Josue 24:32).




E generashon rebelde ku a sali for di Egipto a wòrdu derá den e desierto. Pero e generashon nobo mester a wòrdu derá “ den nan herensia, ” huntu ku esnan kende a permanesé fiel den un generashon infield: Josué i Eleazar (Josue 24:29-30, 33).

E generashon nobo aki a keda fiel (Josue 24:31).
Pero kiko ta di e siguiente generashon (Huesnan 2:10-11)?

Kada generashon mester sera su propio aliansa ku Dios. E fe di nan mayornan lo por yuda nan tuma e desishon korekto. Pero e desishon ta di nan. Laga nos tuma nos desishon awe: “ Ma pa loke ta ami i mi kas, nos lo sirbi Señor ” (Josue 24:15 NIV).





“ Nos General, Kende nunca a pèrdè un bataya, ta spera servisio boluntariamente i fiel for di kada un kende a reklutá bou di Su bandera. Den e kontroversia pa sera ku awor ta pusta entre e forsanan pa e bon i e ehérsitonan di maldat E ta spera tur, hendenan laiko komo tambe ministernan, pa tuma parti. Tur kende a reklutá komo Su sòldatnan mester duna servisio fiel komo milisianonan, ku un sentido skerpi di e responsabilidadat ku ta deskansá riba nan individualmente.”

EGW (Testimonies for the Church, vol. 9, p. 116)